



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINSKI SUD U ZENICI

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ЗЕНИЧКО-ДОБОЈСКИ КАНТОН

ОПШТИНСКИ СУД У ЗЕНИЦИ



Broj: 043-0-Su-20-001339
Zenica, 07.09.2020.godine

**PRAVILNIK
O POSTUPKU DIREKTOG SPORAZUMA
U OPĆINSKOM SUDU U ZENICI**

Zenica, septembar 2020.godine

Broj: 043-0-Su-20-001339
Zenica, 07.09.2020.godine

Na osnovu člana 90. Zakona o javnim nabavkama Bosne i Hercegovine (" Službeni glasnik Bosne i Hercegovine ", broj 39/14) i člana 31. stav 1. Zakona o sudovima u Federaciji Bosne i Hercegovine (" Službene novine Federacije Bosne i Hercegovine ", broj 38/05, 22/06, 63/10, 72/10 i 7/13), kao i člana 8. Pravilnika o postupku direktnog sporazuma (" Službeni glasnik Bosne i Hercegovine ", broj 90/14), predsjednica suda donosi

PRAVILNIK O POSTUPKU DIREKTOG SPORAZUMA

Član 1. (Predmet Pravilnika)

Ovim se Pravilnikom definiše postupak javne nabavke roba, usluga i radova putem direktnog sporazuma iz član 90. Zakona o javnim nabavkama Bosne i Hercegovine (u daljem tekstu: Zakon).

Direktni sporazum je postupak u kojem ugovorni organ (u daljem tekstu : Sud), nakon ispitivanja tržišta traži pismeno prijedlog cijene ili ponudu od jednog ili više ponhđača i pregovara ili prihvata tu cijenu, kao uslov za konačan sporazum.

Član 2. (Uslovi za primjenu direktnog sporazuma)

Postupak direktnog sporazuma se može provesti kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.

Sud može tokom jedne godine za isti predmet nabavke potrošiti do 6.000,00KM putem ovog postupka.

Sud može započeti postupak direktnog sporazuma ako je takva nabavka predviđena planom nabavki ili kada ugovorni organ donese posebnu odluku o pokretanju direktnog sporazuma u skladu s članom 17. stav 1. Zakona.

Član 3. (Principi dodjele direktnog sporazuma)

Postupak direktnog sporazuma se provodi na način da se osiguraju sljedeći opći principi iz člana 3. Zakona :

- 1) Sud je dužan da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom.
- 2) Opći principi obavezno se primjenjuju i poštuju i u postupku pravne zaštite.

Član 4. **(Početak postupka)**

Procjenjivanje vrijednosti javne nabavke koja se dodjeljuje direktnim sporazumom vrši se u skladu sa članom 15. Zakona, na način da je procijenjena vrijednost nabavke roba, usluga ili radova jednaka novčanom iznosu koji će Sud platiti bez obračunatog poreza na dodatnu vrijednost (bez obračunatog PDV).

Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.

Postupak direktnog sporazuma započinje donošenjem odluke ili rješenja u pisanom obliku koje obavezno sadrži sve elemente iz člana 18. Stav 1. Zakona i to :

- a) zakonski osnov za provođenje postupka javne nabavke,
- b) predmet javne nabavke,
- c) procijenjenu vrijednost javne nabavke,
- d) podatke o izvoru – načinu finansiranja, vrstu postupka javne nabavke.

Član 5. **(Izvršenje postupka)**

Sud ispituje tržište te traži pisani prijedlog cijene ili ponudu od jednog ili više privrednih subjekata koji objavljuju djelatnost koja je predmet javne nabavke.

Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, Sud :

- a) pregovara sa ponuđačem/ponuđačima o cijeni i/ili
- b) prihvata prijedlog cijene ili ponudu jednog ponuđača i/ili
- c) provodi drugu vrstu postupka definisanu Zakonom.

Član 6. **(Izbor ponuđača)**

Kod izbora ponude na osnovu koje će biti dodjeljen ugovor, Sud treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.

Sud bira ponuđača na način koji garantuje najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, ugovorni organ djeluje u skladu sa dobrom komercijalnom praksom.

Kada traži prijedlog cijene ili ponudu, ugovorni organ daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

Član 7.
(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi od 1.000,00 KM prilaganjem računa ili druge odgovarajuće dokumentacije;
- b) Kod nabavki čija vrijednost je viša od 1.000,00 KM, Sud je dužan zaključiti ugovor.

Član 8.
(Stupanje na snagu)

Ovaj Pravilnik stupa na snagu danom donošenja i od tada se primjenjuje. Njegovim stupanjem na snagu prestaje da važi Interni pravilnik o postupku direktnog sporazuma broj 043-0-Su-07-002819 od 01.11.2007.godine kao Pravilnik o izmjenama Internog pravilnika broj 043-0-Su-09-000464 od 11.03.2009.godine.



Predsjednica suda
Dženana Brković